



Àrea 2 – Servitzius a sa personi, benis culturalis e afàrius generalis

AVISU PÙBLICU
PO FRUNIRI AGEVOLAMENTUS TARIFÀRIUS CHI FUNT IN
SA DELÌBERA N^U 23 DE S' 08/07/2020
DE SU COMITAU ISTITUTZIONALI DE ÀMBITU DE IS.G.A.S.

BONU ÌDRICU DE APRETU
PO IS IMPITADORIS DE SU SERVÌTZIU ÌDRICU INTEGRAU
(aprovau cun detèrmina n. 310/A2 de s' 08.09.2020)

Premissa

Su Comuni de Crabas pùblicat custu avisu po scerai beneficiàrius de su “Bonu ìdricu de apretu”, ponendi in menti a cantu ponit in contu s'Enti de Governu de s'Àmbitu de sa Sardigna, chi, cun delibera n. 23 de su 08/07/2020, at aprovau su Regulamentu po assinai “Bonus Ìdricus de apretu” po is impitadoris de su servìtziu ìdricu integrau, acapiau a s'apretu sanitàriu COVID-19.

Su Regulamentu ponit in contu:

- sa destinazioni de s'importu de € 8.000.000,00 in totu po sa cobertura finantziària de s'interventu po totu sa Regioni Sardigna;
- sa spartidura de s'importu intra de totu is comunus gestius de sa Sotziedadi Abbanoa S.p.A., cunforma a sa populazioni innia residenti, comentu narat sa tabedda aunida a sa delibera etotu;
- sa manera de si movi po apricai s'interventu, ponendi a craru is rechisius po intrai.

1. Finalidadi

Sa mesura est de considerai comentu a arrembursu tarifàriu straordinàriu po is nùcreus familliaris chi tenint sa residèntzia me in is Comunus gestius de Abbanoa Spa chi s'agatant in cunditionis sòtziu-econòmicas malas po nexi de is mesuras po poni frenu a s'apretu sanitàriu de Covid-19, chi si cuncedit segundu a sa manera e is critèrius chi narat su Regulamentu.

Su “Bonu ìdricu de apretu” est unu cuntributu chi donat inderetura su gestori de su Servitziu Ìdricu, punnau a amenguai is custos de sa bulleta de s'acqua o candu ddui funt situatzionis de morosidadi passadas.

S'importu chi tocat a ònnia beneficiàriu est paris a € 50,00 a cadaunu cunponenti de su nùcreu familliaris.

2. Beneficiàrius e rechisius

S'amentint a sa mesura chi narant “Bonu ìdricu de apretu” is nùcreus familliaris titularis de impitu deretu o residenti in un'impitu inderetu (condominiali) chi faint parti de sa tipologia “Usu Domèsticu Residenti” chi:

- siant residenti in su Comuni de Crabas;
- apant unu cuntratu de frunidura de su servitziu ìdricu integrau;
- apant un'inditadori ISEE de immui chi non sartat su limiti de 15.000,00 èurus;
- apant un'inditadori ISEE de immui chi non sartat su limiti de 20.000,00 èurus candu su nùcreu familliaris est de assumancu 3 fillus a càrrigu (famillia manna);

- s'iant in cudda cundizioni econòmica mala po nexi de sa suspensioni/amenguamentu de su traballu ponendi in pràtica is mesuras po poni frenu pigadas po non s'atacai su Covid-19.

Is impitadoris deretus ci ndi faint rechesta depint essi titularis de un'impitu Domèsticu Residendi assumancu po unu de is chi cumponent su nùcreu ISEE e si depit assegurai de teni custus rechisius:

- sa residèntzia anagràfica de s'intestatàriu de su cuntratu de frunidura ìdrica depit torrai paris cun s'indiritzu de frunidura de su cuntratu etotu;
- su nòmini e su còdixi fiscali de s'intestatàriu de su cuntratu de frunidura ìdrica depit torrai paris cun su nòmini de unu de su nùcreu ISEE.

Is impitadoris nderetus chi ndi faint rechesta depint assegurai ca sa residèntzia anagràfica de unu de su nùcreu ISEE torrat paris cun s'indiritzu de sa frunidura condominiali o agregada chi su nùcreu etotu ndi gosat, o ca s'indiritzu de residèntzia anagràfica de chi fait rechesta torrit paris cun s'indiritzu de sa frunidura de s'impitu condominiali o agregau.

Su nùcreu ISEE in cunditionis econòmica-sotzialis malas tenit deretu a su "Bonu ìdricu de apretu" cunforma a unu cuntratu feti de frunidura.

3. Manera po intregai sa rechesta

Is rechestas s'ant a depi intregai a marolla aintru de sa dii 30 de cabudanni de su 2020, movendi de sa ora de is 10,00 de sa dii mèrcuris 09 de cabudanni e aintru de is 12,00 de sa dii mèrcuris 30 de cabudanni de su 2020, impreendi sa modulìstica aunida Modellu – Rechesta.

Sa rechesta cun ogetu "RECHESTA BONU ÌDRICU DE APRETU" e indirizada a su Comuni de Crabas – Àrea 2- Pratzza de Eleonora 1- 09072 CRABAS, si depit intregai firmada comenti si depit, segundu a una de custas maneras:

- a intregai a su Protocolu de s'Enti;
- a PEC a s'indiritzu servizi.sociali@pec.comune.cabras.or.it;
- a posta eletrònica a s'indiritzu servizi.sociali@comune.cabras.or.it;
- a s'indiritzu <http://www.egas.sardegna.it/bonus-idrico-emergenziale/>.

Acontessendi de bolli agiudu cumpilendi sa rechesta fait a s'inderetai a s'Informacomunidadadi a is numerus: 0783/290446 – 340/8628020 (me in is diis lunis 08:00 / 12:00 – martis 15:00 / 19:00 – giòbia 09:00 / 12:00 – cenàbura 09:00 / 12:00).

Is rechestas arribadas foras de tempus non s'ant a carculai.

A s'istàntzia tocat de auniri custus documentus:

- còpia de su documentu de identidadi bàllidu;
- còpia de una bulleta chi pertocat s'impitu domèsticu-residendi po chi si pedit su Bonu
- atestazioni ISEE de immui bàllidu a sa data de intregai sa rechesta.

4. Maneras po scerai is beneficiàrius e assinnamentu de su "Bonu"

Su Comuni si pigat a càrrigu is rechestas arribadas de is impitadoris de su servitziu ìdricu integrau residendi in su territòriu suu e incarrerat a apurai is rechisius de ammissioni a su "Bonu ìdricu de apretu", est a nai:

- a. respetu de su limiti ISEE chi est in s'art. 2;
- b. residèntzia de chi fait rechesta in su puntu de frunidura inditau in bulleta o chi portat a cussu;
- c. natura residentziali de sa frunidura inditada in bulleta (tarifa Domèstica Residendi o Condominiali);
- d. su fai parti de su chi fait rechesta a su nùcreu familiari ISEE de s'intestatàriu de sa frunidura (incapitendi impitu deretu o nderetu).

A s'acabbu de s'istrutòria, su Comuni aprovat cun provedimentu suu s'elencu provisòriu de is idòneus e beneficiàrius cun residèntzia in su territòriu suu e s'incurat de publicai cussu etotu in s'Albu Pretòriu respetendi sa normativa chi pertocat su privau.

Passau su tempus de publicatzioni, su Comuni sterriit s'elencu definitivu de is beneficiàrius e s'at a incurai de nci ddu mandai a s'EGAS.

Acoa, s'EGAS arriciit is elencus de is idòneus e beneficiàrius chi nci at mandau su Comuni e comùnecat is resurtaus a su Gestori chi at a teni s'incàrrigu de donai s'agevolamentu tarifàriu a is chi ndi tenint deretu.

5. Situatzionis totu suas

Acontessendi acabbu, voltura, rempratzamentu, sa misura de su “Bonu Ìdricu de apretu” s'at a apricai segundu a custus critèrius:

- a. Acontessendi acabbu su Gestori depit donai su “Bonu Ìdricu de apretu” in sa fatura de inserru de sa frunidura;
- b. Acontessendi voltura o rempratzamentu:
 - chi s'intestatàriu nou est de su nùcreu familliaru ISEE agevolau, su Gestori s'at a incurai de donai su “Bonu Ìdricu de apretu”
 - chi su nùcreu ISEE agevolau pigat un'impitu nou aintru de sa gestioni, su Gestori s'at a incurai de donai su “Bonu Ìdricu de apretu” intreu.

6. Manìgiu de is datus personalis

Is datus personalis comunicaus in s'istàntzia de ammissioni a s'agevolamentu e cussus chi ddui funt me in is documentus aunius, s'ant a manigiai, finas cun ainas informàticas, sceti in logu de custu procedimentu respetendi cantu dispostu in su Regulamentu 2016/679/UE (Regulamentu generali asuba s'amparu de is datus - GDPR).

7. Informus in prus

Po cali si siat informu e crarimentu chi pertocat s'intregu de sa rechesta fait a s'inderetai a s'Informacomunidade a is numerus:

0783/290446 – 340/8628020 (me in is diis lunis 08:00 / 12:00 – martis 15:00 / 19:00 – giòbia 09:00 / 12:00 – cenàbura 09:00 / 12:00).

Crabas, 08 de cabudanni de su 2020

Sa Responsàbili Àrea 2
Dot.ssa Maria Sofia Pippia